



紡授堂二集卷之四

詩部五言律丁丑年起

閩曾異撰弗人著

董叔理過我小酌主人對以茗次扇面韻

知我者言晤如身癢得搔
鴻溝分酒茗天限角孫曹
交恥文修好詩憎社損高
欲鈎君險句渴思亦洎洎
過叔理寓齋卽事仍次前韻

叔理自號水心

世法嗜膚虱隔靴手費搔
品泉閒射覆試茗細分曹
有酒嬾成醉如棋不着高
誰能心似水吾與砥洎洎

海上黃周九受徒斗嶼中董叔理過飲寄書言
漁塾之樂仍次前韻答之因柬周九

愛君漁伴裏暴背共爬搔髯美併鰕侶裙長妓鱉曹
一經舟子秀十脰膾絲高試倒海爲酒杯中天可泊
送張時乘游吳越時維揚警急

貧賤厭鄉里病身亦出遊避人山水眼知己往來舟
交澹心如月離輕士耐秋莫嫌孤劔短不肯過揚州
其二仍次前韻時予將游吳興爲哭潘昭度師

行也

餘子籠中鳥却嫌君好游在家頻徙宅入室總如舟
易去鴻矜影難衰艸闢秋蒼蒼葭葭水遠寄淚到湖州
病中口占

不敢求無病但求有病輕呻餘吟且讀出簡杖而行
禮數人寬責過從我徑情更湏文賣得藥賴孔方兒
燈夕大雨同蔡達卿林元甫諸君集吳子瑞風
微館次子瑞韻

風雨不妨醉竹門對兩家去年元夕好憶我病中賒
人比浮槎飲燈如宿霧花却思晴出郭草軟綠無涯
送董德溫游楚之二時西寇餉急乃兄德受採
銅常德尊人叔會氏先與偕至德溫爲攜家
往因之附柬

貧泉銅臭比試與飲夷齊家遠弟能達年強親易攜
官無人吏牘署近武陵谿誰識臣心水愁時挹向西
讀周明嫫集柬其夫子陳挾公

霜氣冬新淨庭除潔稱之病無朋友至閒讀女人詩
雉繡雌嫌朴鴛文偶不奇誰能千古事門內有相知
竹醉日同徐弼之鄭子山曾得之戴子京林澹
若集李古夫宅雨中卽事分得三江

醉甕倒三江蘭深香滿窗奕寬茗戰苦詩壓酒旗降
醉醒羣賢七行藏白鬢雙我歌風竹舞共快雨淙淙
九日閒居

窮賤餘孤憤或云我病狂交情羣鳥獸國是長豺狼

謝客戶方堽避人花自黃蕭條遲暮意爛醉未能忘
其二

觀世倦雙眼盤桓感後凋機關緋偶舞冠蓋沐猴驕
薦竹避奴氣謚門杜豕囂就荒三徑好懶去草蕭蕭
冬深爲余心宇翁壽翁仲子岸少有廣易傳予
以知岸少之家學也

易者儒之道或因以得仙精微存大衍糠粃可長年
牛背五千字華山一覺眠堦庭相視笑消息在韋編

送裴彥思還清流柬其尊人翰卿兼憶吾亡友
君家其爲也 其爲諱養大

一柄竹如意十年病老生正敲壺口罷又值客船行
送我故人子憶君養大兄莊莊乎世友吾不敢卿卿
張時乘入山學佛戲柬

學佛張居士也曾狎女郎人游方內外疾是古矜狂
霍潔餐鰕蟹羝羶豢芥薑偏聞腥味狷蟻乃慕齋羊
其二

妻肉將兼斷爲君試酌量居山時入市舉案罷同牀
嚼水憎鹽味謂茶勝蔗漿得無鹹苦意舌本未能忘
醫友唐禪一出其詩卷題贈

客子矜詞賦塵餘乃及醫我云千李杜難抵一黃岐
人鬼分三指經營慘兩眉瘦吟驢背苦曾得比敲推

冬日溪行

冬深霜壑乾溪縮岬偏寬山累牟尼髻石排道士冠
磯聲吟賀鬼林意想郊寒矜老舟師健騎篙等據鞍

其二

扁舟天地肅眼耳一清真石渴谿寒齒沙分岸反唇
薄燠衣水骨落木裸山身四望兼葭盡能無宛在人
客東吳同李元仲徐日贊集疊嶂山樓齊遲齊
英妓不至分得無字

登樓舒病眺感慨不能無一往日難送千年人可呼
山川游汗漫王霸氣荒蕪搔首琴聲寂蕭條共酒徒
次韵答梅生生

雖存高臥骨敢傍早梅香髮短紅塵裏身閒老劍傍
南山長夜戚博浪少時良寂寞秋將暮誰憐晚菊黃

客宣州雨中次蔡大美送行韻留別

謝眺讀書樓梅聖俞

墓皆在宣城

固予行阻雨却爲戀同羣欲去惜良晤難飛似懶雲
桀尊尋謝宅風月上梅墳別後銷魂事莫教客子聞

其二

客從春徂夏去尚滯經旬歲月鬚眉醜行藏帖括陳
江東存我友天下剩吾身薑桂文章性相期到老辛

浦城客樓次韻

葭露蒼蒼未登樓似晚秋蛩新四壁破螢定一亭幽
指日與燈語撚鬚共影愁如何將五十身世等蝸牛

過逕江訪林參夫士楷臥病十數日口占

百里無多路六年兩度游對牀連疾痛十日臥淹留
顰與呻俱樂忙因病得休安能辭好友僕僕趨車舟

開歲北上谿行

是年正月十四日立春

不是春來晏舟行綠已籠物情嫌曷暖吾意耐餘冬
水見傲人骨山無媚世容臨流纓未濯寒汲雪芙蓉

谿行卽事兼呈楊君席王毅子諸同門

是年人日未立

春雷先發聲

爲容無多日離家累便輕僕頑教當子友好事如兄
朝苦書生滿文兼武備行疾雷雙耳熟聽作小兒聲
浦城阻雪宿徐君培樓齋

莽莽一冬過船開歲始除觀心纔有緒如髮曲難梳
別閣千山雪主人滿屋書故應同宿宿坐臥補三餘

江北道中

風物殊南北蕭條眼亦新夕陽人馬影殘雪登屨塵
土屋蘆編戶麥炊糞作薪當墟村店女破笑却如嗔

其二

跛馬鈴蹄鐵繩鞋沒底霜白湯村店飯單袴女人裝
到處音無及逢春艸尚黃一時驢價踊抵爲計偕忙
蘆溝道中

白日荒荒去塵來不肯休鈍頑僕共馬蕩漾轎如舟
煤死封泥榻毛卷種蠹裘方知桑者樂未識 帝京
游

鄒滕道中

乍過鄒滕縣春深略似春田園纔見綠墟里稍逢人
樹亦無皮半民猶菜色頻已稱爲樂土徵發敢辭貧
妙香椒湧二公過邸中訂游湖上病未能從

西湖深處好大半未曾入俗如中酒逢僧得暫醒
聲人耳冷山色佛頭青安得身無病相從立古亭
勞維章攜妓招集湖上是夜同宿舟中

今日陰晴半雲忙雨意怪如人濃睡後尚瞑欲醒間
藕幼跣毛女楊垂定小蠻隨他晴雨好且宿六橋灣
舟行聞蟬

輕舸綠陰裏蟬新噪未酣偶無人晤語試與共清談
靜可陪仙梵玄宜注老聃笑他鸚聽俗砭耳費雙柑
恭題關公像

夷夏知名姓鬚眉豎古今君臣天下義兄弟布衣心
過恥觀仁掩賢從責備深便將成敗論也合一沾襟
林守一餉我梅樹一枝移來三年矣地瘠發甚
晚為詩一章以慰其遲暮也

小徑梅癯甚花時獨後開有如遠道友為我索居來
清畏啣杯賞隘嫌種樹陪香山詩一卷墜戶共徘徊
辛巳歲晏再次前韻

屋角梅何意花多歲晏開却因年事近少見友人來
空選高僧共兼攜雀子陪豈無棗酒客未必肯徘徊
送周尊可游虔南訪某使君

士既為知己安能辭遠遊滿朝誰後食下榻共先憂
米甗勤窈肉秧萌凍縮頭關心桑梓事未暇動離愁
冬深過林守一貽我叢菊其大如拳

物肯與時違芳華鬪雪威主人留客住籃輿載花歸
探蕨西山飽餐英元亮肥 聖朝無隱逸瘦菊長腰

圍

其二仍次前韻

凡事其遲暮風霜便損威徐開寬早歇疾至必先歸
艸靡存凋後時窮見遯肥攀枝看病柳曾受錦屏圍

硜菴

有序

鄙哉硜硜爲聖人必信必果爲小人余尚未
能爲小人也而况敢言聖人乎嗟夫生今之
世而余也又不願不爲有心人也當問之過
我門者

天下何時定吾生忍苟安乾坤難閉戶出處礙纓冠
穀賤農偏餓布餘女倍寒追呼官縱急猶勝寇摧殘
冬日病起料理書齋訖鋤治小圃適吳興倪寄
生過我小飲因寄訊潘宗玉韓茂貽

開徑時望友閉關偶讀書病頑迂七發老至憶三餘
小學其爲圃大歡甞摘蔬故人如問我代食計全疎
辛巳至日

病身過至日閒坐不曾閒見惡無聞後纓冠閉戶閒

愁時心似艸觀世命如管素髮自然短何須對鏡刪

王伯谷林守一過我小飲梅下

我自栽梅後看無俗士同吟嫌詩限韵飲畏社稱東
不速客方至尚餘枝未空山妻云有酒顛殺主人翁

病中大雪許有个訂我尋梅擬作

病起骨如毛嫌花壓布袍雪添寒具重驢比小奚高
白笑郊何苦杜輕李太豪蘇州詩恰好惜也步趨陶

莆出金澂如今君分俸問予年事答之

元說莆田縣神君聽不營吏如栽木偶訟比問簿筵
蟬咽分涼飲雀肱枝雪翎山中高臥者正待蕨薇青

壬午春送薛孟篤游龍南訪楊芬卿明府

春水長谿流花明千里舟本無彈鋏意聊爲著書游
大邑觀馴雉南山輟飯牛待風雙翮勇歸好及涼秋
不寐

美寐新春少居然老病翁兒驕妨婢睡鼠橫憶貓功
殘燭聲聲雨敝帷面面風近來頻得句多在臥牀中

假寐

豈有五旬外猶為未老年上牀偏不寐放筋便思眠
好境拋書後睡鄉倦眼前姬公今化蝶衰夢止花邊

竹醉日栽竹集林守一守衡周祥侯蔡君名廖

鉉一小飲祝之是日亦為龍生日也

我選佳辰醉亦兼選友生若非龍會食不稱竹同庚

願爾空孫子移來本第兄莫言三五個轉眼綠陰成

贈家監日和尚

和尚始雲游為母在歸隱安谿

一鉢托天涯歸為反哺鴉佛原無異姓人又是吾家

宰相門風俗

吾家為宋宣靖公三丞相之後

神仙徑路差三珠同死

艸肯種故侯瓜

夏日同林用始門士王無擇過鄭誓修水蓉居

時方栽石移雜花數種留酌值微雨有歌者

至待月而歸分得宵字

微雨殺陽驕暑消醉亦消紅牙度曲路白墮引詩者

養月寬池面縈花約石腰偶然乘興耳小飲已中宵

夏日送蔡君名歸晉江故里

君名與予家隔一塘予已卯冬歸謂

先墳又

三年矣

丘里三年夢姻親二水涯却因頻送客便悔昔移家
聲氣恭桑梓文章換土苴楓亭香荔驛好寄准梅花
病中繆祖韓餉我鹿脯乾魚憶君家仲氏叔向
亦時有海物相遺東謝兼懷叔向

鮮食嫌多殺病身畏大烹肉乾藥不忌魚薤菜同羹
蓄旨兼山海分甘損弟兄可能時過我謀婦倒深觥

閒居

危坐視香煙倦來一覺眠鼠偷供佛飯豬敗講僧禪
不死無名氏有妻喫肉仙楊州雀跨得腰下未須纏

讀書

時江北羣盜未息

病後添衰憊讀書却不妨戶難泥水蔽老未息交忙
懷抱睠中土河山滿夕陽小樓勤倚徧豈特為行藏

七月二日清漳高君鼎莆陳得先新安方壽水

晉江故里謝耽韻杉陽江嘗伯用和集紡授

堂小圃同用中字

小摘大權同狂生耳後風未湏防酒失豈敢負詩窮
無想不天外有人皆意中一尊醒醉半正好論英雄
其二同用元字

樹好恰當刀勝長欲滿園拋書吾掃徑荷鏡僕應門
酒酷豚招笠詩嚴虱在禪微醺吟未苦猶不下開元
林羽伯大寫蘭石詒我柬之

我與蘭爲友君兼石作供流泉自入谷抱甕不須傭
何以無人住吾將一蓀從衣裳香草紉芝可飯山農
送家豎目和尚南歸省母

記得雲游衲慈闈揮淚紉送君歸覲母出世不違親
古佛曾爲子高僧亦是人所生恩未報百行等微塵
送曹公鉉邑父還朝

鷄至艱游刃牛刀割乃宜下難兼上獲官亦與民疲
邑以君爲父朝需相救時誰知馴雉者卜獵是熊罷

詩部七言律丁丑年起

立春

紡授堂二集卷之五

詩部七言律丁丑年起

閩會異撰弗人著

丁丑元日次陳道掌韻

是歲為崇禎十年予年四十有七是年十一日

立春

一從豺虎沸中原記得當時 帝改元魚水十年成

浩歎英雄千古畏深論鸞兼酒澁新膠舌草引春來

青到門半百臨頭何所事負暄簷下數鷄孫

其二

年年年至年如許僅有年年詩記年古柳已衰還再
少青袍吾老不能鮮讀書過歲三冬剩漉酒迎春十
日先舊事纔除新事長雙柑又費賣文錢

開正二日周尊可陳道掌趙十五林守一周亮
如小集紡授堂時守一亮如自吳下歸仍次

前韻

獨有交情少變遷遠人也至共迎年趁時鷺笋相矜
幼過臘鷄魚不分鮮投筆未能徒躡尾彈寇雖老耻
爭先盃深更盡通宵燭隣甕香新莫論錢

其二仍次前韻

李杜歐韓體屢遷也如春草媚年年歲時小集還依
舊伏臘貧家斲割鮮醉眼試橫千載下並驅未許古
人先明朝莫負西郊約一日湖光一百錢

卽席送周亮如南歸仍次前韻

開正二日遂非昨老我又如過一年盞底話深寒屋
暖眼中別久舊人鮮客同新歲來還去柳不待春折

已先前路知君劇孟在杖頭吾附十千錢

春日送陳伯期游四明

西關關外小河洲纔唱陽關便白頭草不停青隨馬
去柳將開眼看人愁文園一病從無客腐史千年稍
稱游杯水鑑湖狂可及未湏任頰憶風流

其二仍次前韻

送行百感立沙洲柳上行衣絮戀頭縱酒豈能澆塊
壘著書何至爲窮愁千山一葦惟聽雨四海無人可

遊莫向甬東尋舊事霸圖難挽水西流

送學師陳峽漁擢藩傅南歸

先生重聽

陸沉傲吏任行藏萬卷隨身擁老狂耳重偏能添眼
利官閒却爲置書忙肥魚出峽多如粟苦笋成莊味
勝錫憂世國師眠未穩得無分夢到明王

送蔡子威守肇慶

二廣總督開府處也

遐荒帝命扇皇風嶺外專城大鎮同千里控提蠻
腹背一州襟帶粵西東軍門總制官民遠太守宣猷

上下通此去寄來廉吏信好將端石附詩筒

董叔理過斗嶼飲黃周九先生漁塾中有詩見
寄病中次韻答之因柬周九示其塾中小生
兼訊余舊游諸門士 有序

叔理寄詩云友人黃周九來海上偶集漁郎
數輩授三字經于海中斗嶼過游大醉賦詩
爲樂憶予二十年前曾授小徒于故里之沙
塘薄暮上書畢時時袖升米歸養荒年門士
道傭錢袖米或不繼母妻採薯葉和糠覈食
之是爲萬曆丙辰歲予年二十有六踰八年
癸亥予挈家來三山移家之三年予始病肺
又踰五年已已而妻施氏夭歿老母携一孫
女負一孫上井竈某受傭粗給食無以聘又
踰二年始受趙景毅先生之周受室是歲讀
書海上授經叔理諸子侄斗嶼予舊游處也
是後予病肺轉劇不能傭經受米二三年間

姑蘇申青門吳興潘昭度二公先後力襄予
菽水異撰不忍以老母饑困全二十年潔身
修行之名意欣然受之然非吾母之好也憶
辛未秋冬間異撰肺苦劇輾轉母氏懷抱中
殆七日夜氣猶拂拂然涕喉間方執筆書謁
於青門公母垂涕撫異撰曰小子得無有謁
小子從未肯受人恩今以病困有請者爲家
有老母也小子釋謁勿竟書小子善病我耐
食糠覈異撰揮淚書謁訖竟上其請嘻母今
稍得恃粥異撰終不如二十年前授三字經
負一升米之爲快也此意惟叔理可與言因
次來韻附記于前併柬黃周九兼示余舊游
諸生以志予之欲爲周九先生而不可得耳
丁丑初夏

航海登山何壯歟趁潮兒似躡輕車牽來鼇釣無跛
鼈上得龍門豈細魚鴉字成行時學鴈鷗盟狎主不

新抄堂二集
五
妨鷓鴣舊游錯過吾衰矣病後常言健讀書

其二仍次前韻

沽酒聽歌爾快歟病身久矣謝舟車龜貪負畫矜臍
麝龍渴爲雲羨餌魚絕世英雄鑽故紙半生鐘鼓饗
爰鷓鴣誰能從我浮于海將毋漁鹽罷擁書

董叔理招同陳洪仲君家叔魯小集河上居後
來客遂滿座予病新瘥也

閒房隔水石中央細雨橋橫屐路香病肺膳豚專炙
腎食醫斫鯽細絲薑背城戶小觴行肅拔幟兵竒酒
坐忙白首一寇溺也可逢人懶說是高陽

初夏送陳洪仲再陪明經試還泰寧仍次前韻
迎船酒旆故央央水國菖蒲漸漸香好友意中人似
畫文心老後筆如薑年年自笑來無謂恰恰相看去
又忙縱是揮戈君也別愁心不敢怨斜陽

其二仍次前韻

高旗大纛坐中央號召文壇羽檄香松栢晚心寧羨

艾椒蘭嚴氣特宜薑慢言戲筆明經懶且當閒身訪
友忙却喜下機人見慣黑貂無恙意陽陽

其三仍次前韻

去來俱在水中央未長菱荷溪便香鷺老惜喉瘖病
妓山尖如指簇新薑文章得意差償倦風雨閒情倍
抵忙逐隊魚鰕成底事歸與君且臥南陽

贈日者煙霞主人次董叔理韻

金銀入冶信爐煎達者閒誇火宅蓮似聽符來驅我
未知算勝且須前百年走肉三屍鬼千古文人五
色天也曉窮通傳舍等坐闌聊復問推遷

其二仍次前韻

羲黃璞斲鑛金煎誰是泥中出水蓮但使我無婚宦
命便如生在燧巢前笑來石煉成何事補得縫多不
似天盡道至人回造化也將裘葛聽時遷

其三仍次前韻

膏火心多祇自煎枉栽夏菊與冬蓮算無定子除還

進權不戀星却又前腐草候來燐奪燧木鳶機動偶
摩天杞人何苦勞勞問豫爲滄桑計變遷

其四次叔理之二韻

新雨簾垂問底忙布帆無恙信風張歲年閱去如山
水辛澁嘗來任芥薑偏折官遷文抵腐故償瘦甫老
添狂不知此後還多少拍板門槌未上塲

其五仍次前韻

提將傀儡趁燈忙逐隊焦僥睡眼張苦口涎垂俳嗽
羨辛人淚灑偶吞薑無眠却羨同床夢獨醒難勝舉
國狂爲問市中新季主莫非游倦試觀塲

其六仍次前韻

世路人忙吾亦忙無端假蓋趁晴張欲將我法求聞
達似向花蹊賣桂薑猶喜命寒原不賤若非天授豈
能狂君平縱有居慵卜瓦注臬盧任博塲

大暑同董叔會陳伯熙道掌集陳子含齋頭卽

事

新抄堂二集
深堂淺酌暑相宜玉塵停揮尾自垂十室才名啁燕
雀百年帖括誤鬚眉夔龍事業吾將老李杜文章彼
一時沸雪澆來雙耳冷懶聽蛇足閔群兒

送慵生和尚乞食上谿睦暑雨谿漲瀾瀾也

帆開水滿柳陰陰鶴跡沙灘雨後尋江上一僧來去
影人間六月雪冰心似君到處瓢無患何故入山我
不深得句携歸能和汝未須秋思共蟬吟

題松石圖爲同姓友人乃翁八十壽

六朝皇帝養遺民間話昇平憶誕辰隱曜不爲犯座
客稱觴原是一家人詩書瑞掩金銀氣霜雪精凝電
火身正好礪將兒齒勇松根寒漱石粼粼

贈大興和尚時有行行

年年見爾出山勞若肯耽枯亦易逃活佛悲多看似
喜老僧願大耻言高英雄到眼分金石煩惱經心切
玉刀我也肉除妻漸淡輸君一着是顛毛

哭世帖爲亡友周子立選士作也

鰲峰峰削水泉深

周在鰲
峯之麓

霜壑愁予秀氣沉揮淚不

其從眾哭挽章自把背人吟報施能稱非今世福德
求齊失爾心未省爲君何故慟却非老至惜知音

其二

到底椿菌總腐薪眼前蠅蟻且驕麟詩書有意售餘
子天地但能歿善人虎戀炳文難棄魄龍卷旱壑厭
留身四方志在魂安土去任招呼孰是真

其三

窮愁才鬼得人憐我自心傷豈謂然半爲哭君全哭
世不教留鳳故留鸛中原誰與支傾厦百里也能解
倒懸蒿目何因其瞑去一棺殉壟祖生鞭

其四

愚哉予也太相憐開眼闔棺且暮然人到夜分終瞑
去君如日倦上床先生當興盡寧爲鬼歿負才雄不
分仙地下好言狂腐史讓他傲睨二千年

丁丑至日同董叔理林元甫李得晉集吳子瑞

風徽館元甫携榼侑之卽事同賦

舊甕新醕次第香比隣榼續主人觴尊前棋酒從三

北時分朋天下兵戈待一陽時流寇觀世眼將花共

角觴

未息

冷感懷心與夜俱長燭深話到少時事吾老于今不敢狂

冬深雨中同董叔理林元甫李得晉再集吳子

瑞風徽館仍次前韻

好客陳遵甕易香壓糟未熟便開觴竹衿緣淨欣沾
雨梅負姿高懶向陽文酒祇將慵護短才名難與髮
爭長狂奴不學而能者醉後方思學不狂

至後清流葉上人至陳昌箕公車罷歸小酌紡

授堂次昌箕韻

相思不記夜長短忽憶梅花序已遷離索詩心憑客
引鼎分飲戶稱人編耻因得意干 天子偏有知章
遇謫仙驥骨售金千載事至今病馬老思燕

送葉上人還清流時方以弓馬試士上人買弧

矢歸仍次前韻

江帆來去掛霜天相送還嗟時事遷
弓馬果能揚聖武匏瓜何苦繫殘編
一癡誤我難成佛三立驅人不得仙
分手羞言經世業半生說劍未游燕

陳昌箕乃翁心歐大夫六十雙壽詩

昌箕時方北歸

膝有曾孫鬢未班齊眉週甲久投閒
宦情淡比門前水詩骨蒼於屋角山
子已逢年三北後公如觀奕一枰間
蕭然嬾對觴客獨許梅花勸駐顏

清流鄒瑞麟種菊高一丈三尺許寄詩索和次

韻答之

清谿秋信寄詩題高唱如何索和低
上屋花兼霜瓦冷過墻蝶仰亞枝棲
若移陶令東籬種便與門前五柳齊
笑殺巢繇自比者低頭丞相馬前稽

其二仍次前韻

黃花花下共拈題漉酒巾歌礙葉低
分與四隣登屋賞壓將一鳥倚簷棲
晚香直傍雲霄噴高氣寒兼竹

系抄堂二集
栢齊藕大如船瓜似棗始知志怪豈無稽

其三仍次前韻

傑氣憑凌數尺題竹籬茅舍却嫌低幽人吸露登梯
掇潔鶴餐英負雷棲隱逸尋常卑綺角清高孤出想
夷齊臨風又似黃冠女仙梵危壇首自稽

送余賡之令宣城

宣城自古風華地此日鬻然南北間 天子憂危官
與共友朋仕學我相關牛當脂裕刀偏快鷄劉肋枯
割亦艱萬卷不妨花底擁知君盤錯却多閒

孫君實花燭詩

簫聲雙引夜何其屋後吟臺月滿時人在鏡中嫌雪
黑粧成花底厭梅癡錦心刻燭低聯句凍手薰香暖
着棋三世如椽傳大筆朝來試與畫纖眉

其二

婚禮古人云不賀腐儒差曉誦關雎承家仁趾今當
戶瑞世奇毛必選雌雙燭伊吾分論語一琴風雅厭

閨詞詩成自笑無堪好雜佩何勞解報之

冬日送浙中姚元師歸壽尊人次董叔會韻

看雲客子去難攀干謁蕭條獨馬還千里雪中無米
負老人天外長毛班稱觴若待三牲養舞綵何時四
壯閒陋巷知君方捉鼻娛親正在一瓢間

哭潘昭度師

有叙

丙子之秋胡馬闕郊畿羽書徵天下勤王
吾師潘昭度先生開府南贛提兵入衛獨先
諸道渡江已而虜自出關停節鎮援兵先生
帥師還道卒先生蓋爲國歿也先生爲國歿
則異撰亦以國事哭先生而一人之知己感
恩在所後焉亦以見先生之知異撰與異撰
之所以酬先生者固不存乎婦孺之泣焉耳

崇禎丁丑臘深

天下勤王劍未磨贛州幕府早臨河事煩食少歿
諸尊老壯窮堅病伏波毅魄射潮猶負弩忠魂傍日

尚揮戈肯同巷哭酬知己清淚生平本不多

其二

遐荒尚望衮衣來鼓角無聲咽夜臺四國待皇戍未
缺三軍西返櫬東回卽今門下多徐穉何故當年始
郭隗莫道相知酬不得縱能酬得可勝哀

其三

建牙六道橐無錢廿載爲官家賣田 天子賜瑩酬
馬革老生知我撫龍泉易名晉爵徒增恨掃穴犁庭
不假年題罷挽章看寸管先生曾許勒燕然

其四

中原豺虎未澄清驕虜兼訏孰請纓蒿目益棺終不
瞑英魂歎世尙聞聲炙鷄絮泣書生態撫髀哀歌國
士情何日報師遲也好櫪中誰信老堪行

其五

南州曾憶撫深盃謂古何人未歿哉獨有名山藏腐
令不將朽骨付蒿萊宋朝舊史吾更定昭代新書爾

剪裁公欲重修宋史以國朝實錄畀予涕嘆當時言在耳公今已矣

我非才

其六 公起家中州縣令後為其地學使

河南召伯起謳思離亂民兼哭父師天下豈無人可
歿中原誰使屢難支進賢但好帷巾幗大將安能異
小兒怪我為詩多罵座如何傷逝不傷時

其七 公卹典未有廢子

天語勤將歿事褒九原肯詭隕身勞特生松栢不貪
蔭出穴鳳凰自刷毛七載在門仍一士白頭拜墓舊
青袍潛然忍住西州淚留滴匣中拭寶刀

其八

北邙東郭太無端萬蟻茫茫轉磨盤扁下總非公歿
所生前原已誓登壇 主憂臣辱遺孤憤女喚兒啼
等一棺不是甘心授命處達人同作置郵看

其九 公為家母立節孝傳

閩南觀察訪貞姑謂女何慚烈丈夫直是臣忠憐婦

孝故傳母節痛兒孤百年有盡窮將半雙眼難青哭
易枯宿草淚沾猶北指墓中人欲氣吞胡

其十 公用序予詩文梓之

因人吾耻國門懸自信緣師謂必傳嚴武豈能知杜
叟昭明未許序陶潛隨身具拙誰磨鏡龜手藥輕不
值錢並轡中原公有子虺隤鈍影敢辭鞭

都下聞撫公清海賜蔭却寄代

鑽縫蚤虱費爬搔鼠首何煩斬馬刀大度 聖人無
刑印遠猷元老賤投醪身膺鐵券分多士鬢壓金貂
少二毛戀闕小臣親舍在夢魂從此不驚濤

其二

長風高浪破樓船橫槩詩成士扣舷當事得如公數
輩中原今已靖多年海邦見說頻無歲安撫方知未
息肩 聖王且虛黃閣待衮衣暫借煖南天

丁丑獵深同陳伯熙集林守一晤庵觀迎春紅
梅盛開時也

平鋪絳雪坐香茵淨拭觀忙滿面塵春色未來先老
我酒杯欲放苦親人且添歲晚一回醉又待年開兩
度新戀着土牛成底事却因自笑笑芒神

除日同董叔會陳伯熙小集陳子含宅次叔會

韻

貧女霜眉不打車梅花落盡伴閒居謀生往事低基
比改歲楸枰換局如一代衣冠王氏學千年齒髮史
遷書當杯潦倒相看笑勲業依然竹馬初

成寅元日次董叔會韻

白頭未分此身微但覺年年憶昨非耐典鷓鴣猶剩
鞞輕裝款段不教肥每逢歲序成親老豈敢文章與
世違薦罷椒盤還北望閒聽穉子誦無衣

時流寇未息

開歲五日爲侯抑而學師壽

開年開甕侑佳辰花傍宮牆滿四隣雙眼肯酬天下
士一尊閒對聖門人以文爲戲身將隱如月之恒柳
共新傲吏不須狂太甚陸沉終是出風塵

其二

一官耐醉讓人醒口不停盃亦授經春到師門溫雪
跡鷲親伎帳侑歌伶豐毛霧養來年蔚細草風沾兩

度青

師在任
二年

桃李能言玉樹舞諸生狂不減寧馨

紉授堂成人日譚元孩董叔會陳子含伯熙道

掌伯期林守一陳昌箕小集落之分得十三

元

小徑新開當小園朋來拜母共清尊老思愛日心徒
遠賤畏傷時舌未捫歲月又看金作勝行藏依舊席

爲門蕭然貧甕澆粗糲慚愧燈前一石髡

其二仍次前韻

纔得安居便灌園花當綵勝媚開尊敢云移壑龍堪

臥剩有經冬蟲未捫短褐豈能忘 帝室長裾終耻

曳侯門攀枝欲問流光迅病柳新栽半似髡

燈夕同董叔會陳伯熙道掌伯期集李古夫宅

卽席贈蘇若美人分得南字

人將物况出閩南麗有荔枝香有梅花底四娘狂杜
二燈前蘇若老曾三今宵酒債誰能負千古詩名我
不貪風雨一天高燭燄忍教敲斷鳳頭簪

燈夕坐雨次韻

歌樓絃澁冷琵琶火樹瀟瀟濕萬家十雨五風年可
卜千金一刻價寧賒夜深綠徑先肥草春淺紅欄未
損花欲比今宵寒巷潦漁舟燈亂水平涯

送董叔會重游都下兼柬長公德受民部

莫道春風信馬鞭干戈到處起紛然連年三過江南
非此日重看事變遷憂世但憑詩賦遣懷人真覺古
今懸爲言筦庫朝衣典報 主湏流地上錢

其二次叔會來韻

半在舟車半在鞍天涯伴好客心安一旗酒賣花朝
醉對壘茶衝菽雨寒下馬留題君有興拈詩誰和我
無歡傷懷萬里青青草看似窮秋木葉乾

其三又次來韻

淮左頻聞沸羽書 帝京驛騎避青徐
蔓生寇比豐毛蝟重負民如潰
春驢擊楫橫江頭易白登樓何處
眼堪舒送君莫道成弘事猶記當
年萬曆初

其四又次來韻

記得連牀中夜醒聞鷄舞影動
窗櫺觀枰縱急心徒癢用世寧
遲事飽經前席 帝浴容伏闕
退朝臣瘁晏趨庭流民圖好教
兒上天下艱危語易聽

林澹若武舉下第歸次來韻答之

乘車戴笠信風船燕額封侯亦
偶然鳥道臂寬鷹直上蟻封步
窘驥盤旋軍儲可謂多方括將
印何曾一日懸底事中原清未
得 至尊側席又三年

二月十五日病起

隱几又過一半春無聊聊負反
裘薪側身敢說當衰世衣褐還
思見 聖人病賣文醫難減症
書因賤買倍添貧愁時暗計三
年事卿相立談也五旬

贈醫友茅復陽

病深寒索藥無資贈答錢慳但餉詩得見有恆斯善
士不爲宰相則良醫劉邦戰勝曾如籍烏喙功成豈
羨著我獨喜君三指下惡將人命試方奇

春深送陳昌箕游清漳

清漳吾地聯桑梓寒屋城南度陌斜君若過門應作
主我因送客便思家一帘紅老罷驢酒幾竈綠新破
寺茶爾但夢歸予夢去月中魂共混梨花

竹醉日集李古夫宅雨中卽事次韻之二

危簷急溜掛高江風鬪驚湍欲打窗樹壘觴行如遇
敵背城戶小未其降與人俱醉筠三畝看竹斲青眼
一雙主肯留髡吾肯飲剪燈好聽滴淙淙

初夏雨中集曹能始先生三石亭卽事偕徐碩

客賦

一亭閒草子雲玄開徑城西小巷偏五字羞稱雄伯
業六經未分大儒箋陰晴世事黃梅雨裘葛人情四
月天獨有樽前寒歲意稜稜片石竹林邊

再次前韻東能始先生

蕭騷白首幾時玄
陋巷行藏獨我偏
馬戀蟻封朱氏學
虫書蛀葉漢人箋
乾坤涕淚無乾地
帖括文章待補天
欲借石倉池上閣
共鷗穩坐釣絲邊

劉瑞當索予經義仍次前韻答之

鶴裳雖縞尚能玄
顧影吾憎一羽偏
坐臥看龍成鏞鐵
鬚眉爲蠹守殘箋
身隨紈扇頻過暑
目送風箏易上天
橐橐且休巖下杵
幾時夢發帝王邊

吊忠詩爲楊大洪先生作也

泰昌祚短事更新
崩齒虫驕穩負斷
伊霍比公輸一歎
滂膺共爾作三人
遺弓俱受彌留詔
投杼先除顧命臣
蔽日浮雲今在不
忠魂嶽嶽揭星辰

讀左少保集因吊死璫諸公仍次前韻

指鹿威尊共美新
埋輪請劍氣斷斷
東西易面翻三案
楊左分身本一人
國社偶然憑小鼠
先皇何意殺孤臣
傷心天啓升遐日
地下魂猶拱北辰

再次前韻

崇禎敷政一時新
闔黨唇亡齒喪斷暮歿朝生榮
假子兄終弟及挺
真人天回却有貪天輩
賊孽方多罵賊臣
感得風雷公已矣
日升猶喜運方辰

晉江聖人王君同歸化
王周士寧化門士李伯
啓丘小羽蜀中忘機道人
小集紡授堂感賦
時予新居初落君同將游燕
丘李二生將游

福唐

孤者成歡却易傷
洞簫聲裡望吾鄉
十年身世烏三匝
兩鬢勲名劇一場
病叟不貪道士訣
門人能助老生狂
明朝日送雲南北
又折愁心寄客航

送晉江里人王君同游燕

十年游子憶吾廬
纔得談心又索居
時事直須千日酒
帝鄉易上萬言書
淮陰誰漂漁竿冷
易水餘寒劍術疎
送爾不忘湖海意
相看豪氣未曾除

趙枝斯林異卿夏夜步月過紡授堂時予病新

瘥也

但須身健分窮愁髮短如針疝裹頭我苦病深朋當
藥客嫌絺重主披裘掀書未覺前人歎觀世能無出
位憂引話茗添月易黑不妨燒燭更淹留

病中無寐聞隣巷簫鼓聲知是孫子長先生嫁
女也走筆柬之

僅有腰間一帶黃蕭然門巷暫時忙先生題門有清
得門如水貧惟

帶有金教奴賣犬聊從俗得婿如鴻不鬪粧女嫁已

之句婚未畢宦游原淡國難忘謝公好爲蒼生起莫似

東隣待字娘

秋日送劉瑞當還浙

送予美子澗之阿倚竹寒牽補屋蘿四海交情名下
誤一人知己眼中多黃金待贖蛾眉老白石誰聽牛
飯歌病骨暫蘇君又去登高望遠奈秋何

答陳昌箕

不須守口自如瓶深種修篁戶上扃禪敝猶能容蠅

風文輕何至賦蒼蠅門前便已風牛馬天下誰關眼
白青雙耳懶敲清磬洗池塘吠月正堪聽

冬日同陳道掌門士董德溫集方士蔚芝園聞

鐘

數聲敲破一籬煙小小園林古寺邊
瞑去似聞香醒酒坐來何意醉
參禪鬪肥蔬長齊矜幼耐瘦花黃懶
占先曾聽晨鐘霜後好幾時重過對床眠

其二

直窮深巷到門前家與佛隣人是仙
煙裏跡鐘聽似畫雨餘一鋪圃爲田
霜梨入口千秋雪老菊過時九府錢
把燭醉來濡渴筆三杯狂不減張顛

戊寅冬予將往吳興哭潘昭度師門士董德旬

德溫集方士蔚李古夫黃聖謨餞我湖上走

筆留別

出門貧病若登天鏡具隨身酒漬綿
逆旅但能躬灑掃壯游豈必爲山川
暫來西郭浮輕舸已似寒谿放

去船且說泛湖竹當餞鬢邊容易二毛添

戊寅至日書事

胡馬頻驅易抵燕中原群盜共驩然兵難食足惟加
賦官喜徵繁有羨錢文酒且將消至日勲名又說待
來年愁聞間架催租急豈必追呼爲餉邊

至後次舊作韻

行藏今歲問如何至後年殘臘易過剩有白身逐隊
老憂將病翅插天摩隨人作計寧爲我成佛無心不
畏魔短髮慵梳綿似草生孫蠹又長新窩

將往吳與哭潘昭度師門士王無擇同行亦將

過亡友卓珂月之門而問之

琴不上絃水自流蕭條書劍去還留借來僕似難騎
馬病後身如易漏舟千里及門惟與爾一桴從我者
其由此行慢道江山好爲哭知音莫當游

舟中寄家信

一篷霜曉月黃昏水宿聞鷄亦近村貂僅留皮縫易

鏽虱欺敗絮卧難捫貧教婦齋腹親膳老願兒才贖
父頑但說出門爲客好何因夜夜夢家園

臘深阻再富陽舟次無寐書懷寄潘宗玉

破寒霜屨躡風塵凍壑行行亦苦辛殘歲三更連夜
雨病身無僕一門人獨將涕淚來千里未報親師近
五旬知己言愁猶道阻嗔他喚客曉鷄勤

戊寅除夕客潘昭度先師第同長公宗玉守歲

次韻

客裡呼僮亦掃塵把書猶負買臣薪祇將壺口酬年
暮懶索詩腸待歲新欲起九原成隔世相期三立更
何人杯深感舊真兒戲不信文章果有神

立春日仍次前韻

是歲己卯予年四十有九

青袍短後溷風塵歲月閒拋等積薪陳亮見長年已
老陸生遇主語難新每因多難當吾世欲以時賢擬
古人未省安危誰仗得祇將國步付芒神

元夕雪中小集卽席仍次前韻

六街滾滾馬蹄塵尚有貧家泣米薪勲業闕場觀市
鬧文華燈事闌花新杯深能引心長話雪滿偏宜眼
冷人清苦燭邊梅暗發一枝瓶裏亦精神

人日客中病起述懷

枯坐愁時罷枕呻拈花准勝媚佳辰客中聞鵲如家
信病起掀書似故人老馬夢回千里汗新鸞啼過百
年身一筇縱是今朝健安得心情趁早春

雨中夜集潘宗玉芳菴館不能無西州之勸也

傷懷非爲在他鄉苦雨深杯引話長知己眼中人易
成感時天下事難忘弟兄此夜來千里師友當年聚
一堂欲覓虎賁何處是典刑空憶蔡中郎

客宣州書帶園雨中書懷時梅朗三小試旌德

未歸

却非游倦竹門關雪後寒添雨氣繁搔首不驚謝眺
句相看何必敬亭山四圍梅發客孤坐百尺樓空人
未還底事丈大三十外尙因小敵滯行間

花朝後二日同李元仲郭大赤集孫直公館波
時馥生郁生美人在坐先歸分得微字

花朝纔過暖風微隔竹殘梅笑妓肥時事百年餘醉
眼病夫一褐當春衣柳條未舞先含睇鸚鵡無言但
欲飛從此雙柑携處處如何客子肯思歸

同李元仲過余廢之署中季愛軒夜話

有序

崇禎十一年冬中原群盜未已奴虜長驅燕
齊間其明年春破濟南直抵登萊航海去當

事者檄江南諸郡縣議設兵加餉時予與李

元仲俱客宣州夜集余廢之縣署季愛軒酒

酣起舞月中廢之賦鴻鴈予與元仲賦無衣

已共賦宛鳩爲詩四章以志一時之事使夫

後之來是軒者知予與元仲其於廢之雖戴

笠乘車未能同猶不敢自棄於天下憂樂之

外而感事相勗以附于異姓鶴鴿之義如此

而願季自愛又非徒希之于其弟爲然也詩

既成併書一通寄希之已卯穀雨前

兵食頻加事日新吏憂民散國憂貧廟廊借箸嘗烏
喙草野纓冠恨白身齊魯公然奴騎入江淮將恐
胡隣愁時莫道窮通異起舞還期共膽薪

其二

王臣憂辱杞人啼窘甬危車策蹶蹄推轂但求時夜
卵登壇便是失晨鷄不因亡將能航海豈有強胡敢
抵齊爲問當關誰虎豹 諸陵好護在山藜

其三

自愛之官手勒銘伯于季也太叮嚀眼中鸚鵡毆鴻
鴈天下豺狼警春鷓忠憤豈嘗亡草莽 英明未定
小朝廷祇須百輩宣城令買犢民歸便輯寧

其四

平安君好報希之暫醉阿翁母哺糜囹圄漸無囚可
縱齋厨日減鶴難隨飢胥訟簡抄書倦悍吏差閒畫
卯遲猶喜朋來消寂寞月臺把燭共題詩

贈某都閫

花底綸巾羽罷揮蕭條將種壯心違鷹拳不抱伏雌
卵虎氣羞張磔鼠威 天子豈能忘故劍將軍未許
遂初衣感時橫海君家事此日胡兒滿載歸時奴首將抵登

萊航海歸尊人嘗為其地大帥

過梅谿沈景山書莊梅聖俞讀書處也旁有墓

梅谿梅雨熟梅新訪友林間掛角巾豈必古賢能勝

爾偶逢遺蹟便懷人龍媒步遠驄為種先世嘗直指閩中虎

子文竒霧滿身尊人嘗為閩帥怪汝雄心航寂寞閉門侶鶴

出無隣

贈麻孟璿麻甚雄武

蕪穢中原未掃除麻生三十尚閒居非因名士堪橫
槩却使庸人悔讀書燕領待時飛食肉龍身貯水臥
需魚鮪曹志李滔滔是抱膝微君孰起予

同李元仲觀宣州迎春寺古栢唐楊行密部將

滄濛手植也

閩南懷古兩書生爲客江東繞樹行興廢未須嗟草
木乾坤何日不陰晴偶然手植存偏霸三百年來閱
太平回首殘唐千載上英雄可似沸爐鳴

客中浴佛日小集天逸閣喫青晶飯時蔡大美

餉櫻桃 宣州俗是日喫青晶飯

纔見當樓紅滿枝不知春去竟何之 前日立夏 殊方懶飽

青晶飯通俗聊占白傅詩薄醉當齋消佛日偷閒抵
病過花時櫻桃正好琴心滑幾顆携將媚酒卮

客中同李元仲集梅朗三天逸閣時朗三將往

白下余亦還閩卽席賦別

豈有愁人鬢耐蓬一尊異地幾回同浮生名下能爲
崇醇酒杯中易送窮老大文章來笑罵艱危時數渴
英雄臨岐莫道逢年事帖括消磨渭水熊

宿韓茂貽竹齋感事

竹裏聯床雨蒲窗感時只合倒深缸文章見帝齊因
鬼聲氣成城築受降輿櫬競來通上國投鞭直可斷

長江笑他擾擾關何事觀世慵開眼一雙

其二

年年壇坵變滄桑一餅群兒聚闕場
滕薛互爭誰是長江東雖小各稱王
聖門細閱登龍賤逐隊閒觀戰
蟻忙城下屢盟人易霸酒壇猶記昔周郎

病中夜宿湖上集慶寺限韻柬妙香椒湧二公
偷得閒身合坐關行游便覺一筇煩
鐘聲不辨來何寺佛梵微聞殷四山
觀我每從病苦際懷人偶在夢醒間
蘇公祠下林逋墓隱几遽然慙往還

次沈若水同年來韻答之

敢道英雄操與君息機已分離
人群鶴經籠瘦寧堪相虎自騰高
豈在文邁澗寤歌聊爾爾草廬動業欲
云云行藏知己商量罷又長髭鬚白幾分

爲施漁仲壽

有序

萬曆丁巳間異撰與施辰卿樞同隸諸生籍
時余年二十七辰卿少余二歲越二十年而

辰卿意鬱鬱然不屑逐隊諸生間自去其籍於當事者又越二年爲崇禎己卯而異撰始舉於鄉於其爲壽之日詩以問之以志辰卿之勇退而予之不知止也蓋辰卿亦變易其名字曰漁仲樵矣

倦鷹傲睨大風秋回首英雄未白頭金馬多遺慵慢世副車椎誤耻封留一丘君有閒舟楫巨濟吾方學泳游桂酒醉餘相念不久要曾許共先憂

己卯冬還晉江故里過龜湖林薦甫夜話憶二十年前余嘗讀書於此自癸亥移家三山此十六年間先師若梁先生仙逝亾友挺甫寂後沒及門諸生皆薦甫諸子弟亦不能無存沒之殊也泫然志之留別薦甫遂慟吾師

十六年來事變更話長寒夜剪燈明一門星散吾師友雙鬢霜深兩弟兄地下敢云酬國士眼中猶是老書生相看纔拭西州淚草草驅車又北行

已卯除日次陳昌箕韻

臘深游子且停車慈母縫衣待歲除償債文章填未
了誤人鬚鬢白無餘百年此夜吾生半萬里春明謂
帝初試把一杯澆古劍椒盤羞酌讀殘書

次其二韻

時議登賢書者輸金助買公田以輯
流寇

舊年容易度新年蒲柳姿難鬪石堅濱海一隅猶爆
竹中原何地不烽煙足兵但有民加賦養寇還須士
買田莫道廟廊無上策太平立致在金錢

書